



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԱՐՑԵՐԻ ՆԱԽԱՐԱՐ

Հ Ր Ա Մ Ա Ն

«28» Տեպրեմբեր 2006 թ.

№ 43-ՆԽ/1

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԱՐՑԵՐԻ ՆԱԽԱՐԱՐՈՒԹՅԱՆ «ԵՐԵՎԱՆԻ ՈՒ ՏՈՒՆ-ԻՆՏԵՐՆԱՏ» ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԿԱՆՈՆԱԴՐՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ

Ի կատարումն Հայաստանի Հանրապետության կառավարության 2006թ. փետրվարի 2-ի «Հայաստանի Հանրապետության կառավարության 2002 թվականի նոյեմբերի 28-ի N 1908-Ն որոշման մեջ փոփոխություններ և լրացումներ կատարելու մասին» N 97-Ն որոշման 1-ին կետի բ) ենթակետի,

ՀՐԱՄԱՅՈՒՄ ԵՄ

1. Հաստատել «Երևանի ՈՒ տուն-ինտերնատ» պետական ոչ առևտրային կազմակերպության կանոնադրությունը (կցվում է):
2. «Երևանի ՈՒ տուն-ինտերնատ» պետական ոչ առևտրային կազմակերպության տնօրեն Դ.Շահբազյանին՝ եռօրյա ժամկետում «Երևանի ՈՒ տուն-ինտերնատ» պետական ոչ առևտրային կազմակերպության կանոնադրությունը սահմանված կարգով ներկայացնել պետական գրանցման:
3. Մույն հրամանի կատարման հսկողությունը դնել նախարարության աշխատակազմի ղեկավար Զ.Մարգարյանի վրա:



«Հաստատված է»
Հայաստանի Հանրապետության
աշխատանքի և սոցիալական
իարցերի նախարարի
28.02.2006 թվականի
թիվ 43-ՂԿ/1 հրամանով

Կազմված է 5 օրինակից
Օրինակ N 1

«Գրանցված է»

Հայաստանի Հանրապետության
իրավաբանական անձանց Մալաթիա-
Սեբաստիա տարածքային պետական
ռեգիստրի բաժնում 16.04.2003թ.
վկայականի թիվ 03 Ա 056311
Գրանցման համար 29021002876
թիվ 001, 2 փոփոխությունը գրանցված է
իրավաբանական անձանց պետական
ռեգիստրի Մալաթիա-Սեբաստիայի
տարածքային բաժնի կողմից
07.04.2006թ.

Բաժնի պետ Գ. Բաղայան



«ԵՐԵՎԱՆԻ N 1 ՏՈՒՆ-ԻՆՏԵՐՆԱՏ» ՊԵՏԱԿԱՆ ՈՉ ԱՌԵՎՏՐԱՅԻՆ

ԿԱԶՄԱԿԵՐՊՈՒԹՅՈՒՆ

ԿԱՆՈՆԱԴՐՈՒԹՅՈՒՆ

/ Նոր խմբագրություն /

1. Ընդհանուր դրույթներ

1. «Երևանի N 1 տուն-ինտերնատ» (այսուհետ՝ տուն-ինտերնատ) շահույթ ստանալու նպատակ չհետապնդող, իրավաբանական անձի կարգավիճակ ունեցող պետական ոչ առևտրային կազմակերպություն է:

Տուն-ինտերնատը ստեղծվել է շահունյանի N 1 տուն-ինտերնատ պետական հիմնարկի վերակազմավորման միջոցով և հանդիսանում է վերջինիս իրավահաջորդը:

2. Տուն-ինտերնատի գործունեությունը կարգավորվում է Հայաստանի Հանրապետության քաղաքացիական օրենսգրքով, «Պետական ոչ առևտրային կազմակերպությունների մասին» Հայաստանի Հանրապետության օրենքով, այլ իրավական ակտերով, Հայաստանի Հանրապետության կողմից վավերացված միջազգային պայմանագրերով և սույն կանոնադրությամբ:

3. Տուն-ինտերնատը ստեղծված է համարվում օրենքով սահմանված կարգով պետական գրանցման պահից:

4. Տուն-ինտերնատի գործունեությունը ֆինանսավորվում է Հայաստանի Հանրապետության պետական բյուջեից, Հայաստանի Հանրապետության և օտարերկրյա պետությունների կազմակերպությունների և ֆիզիկական անձանց նվիրատվություններից, բարեգործական նպատակներով տրամադրվող միջոցներից, իր կողմից իրականացվող ձեռնարկատիրական գործունեությունից և օրենքով չարգելված այլ գործունեությամբ ստեղծված միջոցներից:

5. Տուն-ինտերնատը, որպես սեփականություն ունի առանձնացված գույք և իր պարտավորությունների համար պատասխանատու է այդ գույքով:

Տուն-ինտերնատը կարող է իր անունից ձեռք բերել և իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:

6. Տուն-ինտերնատը այլ կազմակերպության հիմնադիր կամ մասնակից կարող է հանդիսանալ միայն հիմնադրի որոշմամբ:

7. Հիմնադիրը պատասխանատու չէ իր ստեղծած տուն-ինտերնատի պարտավորությունների, իսկ՝ տուն-ինտերնատը իր հիմնադրի պարտավորությունների համար:

8. Տուն-ինտերնատը ունի Հայաստանի Հանրապետության պետական գինանշանի պատկերով և իր անվամբ կլոր կնիք ու դրոշմակնիք, ինչպես նաև ձևաթղթեր:

9. Տուն-ինտերնատը ունի ինքնուրույն հաշվեկշիռ, հաշվարկային հաշիվ բանկերում՝ Հայաստանի Հանրապետության արժույթով և արտարժույթով:

10. Տուն-ինտերնատի գտնվելու վայրն է քաղաք Երևան, Հաղթանակ II փողոց- 45:

11. Տուն-ինտերնատի անվանումն է.

հայերեն լրիվ՝ «Երևանի N 1 տուն-ինտերնատ» պետական ոչ առևտրային կազմակերպություն

հայերեն կրճատ՝ ԵՆ1ՏԻՊՈԱԿ

ռուսերեն լրիվ՝ "дом-интернат города Еревана" государственная неторговая организация.

ռուսերեն կրճատ՝ Н1ДИГЕГНТО

անգլերեն լրիվ՝ «N 1 Boarding-House of Yerevan » state non-trade organisation.

անգլերեն կրճատ՝ N1BHESNTO

II. Տուն-ինտերնատի գործունեության նպատակը և առարկան

12. Տուն-ինտերնատի նպատակը միայնակ, սոցիալապես անապահով տարեց անձանց շուրջօրյա խնամքի ապահովումն է, ինչպես նաև անօթևան մնացած մարդկանց ժամանակավոր օթևան տրամադրելը:

13. Տուն-ինտերնատի գործունեության առարկան է՝ տուն-ինտերնատում խնամվող տարեցների, ինչպես նաև անօթևան մարդկանց իրավունքների և օրինական շահերի պաշտպանությունը, նրանց սոցիալ-հոգեբանական և բժշկական օգնության կազմակերպումը, խնամքի իրականացումը, սննդով, հագուստով և կենցաղային այլ անհրաժեշտ իրերով ապահովումը:

III. Տուն-ինտերնատի գործառույթները

14. Տուն-ինտերնատը իրականացնում է հետևյալ գործառույթները.

ա) կազմակերպում է տարեցների և անօթևան մարդկանց ընդունելությունը,

բ) աջակցում է նրանց հարմարվելու նոր սոցիալական միջավայրին,

գ) կազմակերպում է տարեցների և անօթևան մարդկանց կենցաղային սպասարկումը, ազատ ժամանցը, ապահովում է նրանց անկողնային պարագաներով, հագուստով, կոշիկներով,

դ) ապահովում է համապատասխան սննդով՝ ելնելով խնամվողի առողջական վիճակից,

ե) կազմակերպում է դիսպանսերիզացումը, բուժումը, անհրաժեշտության դեպքում՝ հոսպիտալացումը,

զ) անցկացնում է սանիտարահիգիենիկ և հակահամաճարակային միջոցառումներ,

է) պահպանում է խնամվողների անձնական գույքը Հայաստանի Հանրապետության օրենսդրությամբ սահմանված կարգով,

ը) տուն-ինտերնատում կազմակերպվում է հոսպիտալային օգնություն

թ) կազմակերպվում է մահացածների հուղարկավորությունը:

15. Տուն-ինտերնատը օրենքին կամ հիմնադրի որոշմանը համապատասխան, սահմանված կարգով իրականացնում է ծեռնարկատիրական գործունեության հետևյալ տեսակները՝ տնային պայմաններում սոցիալական սպասարկման և կենցաղային սպասարկման ծառայությունների մատուցում, խնամվողների և անօթևան մարդկանց և նրանց աշխատանքի կազմակերպիչների ուժերով՝ հացի արտադրություն, փայտե արտադրատեսակների արտադրություն, խոշոր եղջերավոր անասունների բուծում, խոզերի բուծում, մսատու թռչունների բուծում, բանջարեղենի, դրանց սերմերի և սածիլների աճեցում, ջերմոցային տնտեսություն:

16. Տուն-ինտերնատը կարող է ունենալ հիմնարկներ, ներկայացուցչություններ կամ մասնաճյուղեր, որոնք ստեղծվում են հիմնադրի որոշմամբ:

IV. Տուն-ինտերնատի կառավարումը

17. Տուն-ինտերնատի ընդհանուր կառավարումն իրականացնում է հիմնադրի կողմից լիազորված պետական մարմինը:

18. Լիազորված պետական մարմինը՝

ա) ապահովում է տուն-ինտերնատի բնականոն գործունեությունը և պատասխանատվություն է կրում դրա չկատարման կամ ոչ պատշաճ կատարման համար,

բ) հաստատում է տուն-ինտերնատի եկամուտների և ծախսերի տարեկան նախահաշիվը,

գ) սույն կանոնադրությամբ սահմանված կարգով տուն-ինտերնատի տնօրենի ներկայացմամբ հաստատում է տուն-ինտերնատի կառուցվածքը, աշխատողների թիվը և աշխատակարգը,

դ) իրականացնում է տուն-ինտերնատի գործունեության նկատմամբ վերահսկողություն,

ե) կասեցնում կամ ուժը կորցրած ձանաչում տուն-ինտերնատի տնօրենի՝ Հայաստանի Հանրապետության օրենսդրության պահանջներին հակասող հրամանները, հրահանգները, կարգադրություններն ու ցուցումները,

զ) լսում է տուն-ինտերնատի գործունեության մասին հաշվետվությունները, քննում է նրա գործունեության վերստուգման արդյունքները, հաստատում տուն-ինտերնատի տարեկան հաշվետվությունները և տարեկան հաշվեկշիռը,

է) վերահսկողություն է իրականացնում տուն-ինտերնատի ամրացված պետական սեփականության օգտագործման և պահպանման նկատմամբ,

ը) վերահսկողություն է իրականացնում տուն-ինտերնատի սեփականության պահպանության նկատմամբ, համաձայնություն է տալիս տուն-ինտերնատի գույքի օգտագործման կամ վարձակալության հանձնման համար,

թ) իրականացնում է «Պետական ոչ առևտրային կազմակերպությունների մասին» Հայաստանի Հանրապետության օրենքով, հիմնադրի դրոշումներով և սույն կանոնադրությամբ նախատեսված այլ գործառույթներ:

19. Տուն-ինտերնատի ընթացիկ գործունեության ղեկավարումն իրականացնում է տնօրենը, ում պաշտոնի նշանակում և պաշտոնից ազատում է լիազորված պետական մարմինը:

20. Տուն-ինտերնատի տնօրենի պաշտոնի նշանակելն ու պաշտոնից ազատելը իրականացվում է «Պետական ոչ առևտրային կազմակերպությունների մասին» Հայաստանի Հանրապետության օրենքով:

Տնօրենը պետք է ունենա բարձրագույն կրթություն:

Տնօրենի հետ կնքվում է պայմանագիր, որը հիմնադրի անունից ստորագրում է լիազորված պետական մարմնի ղեկավարը: Պայմանագրով սահմանվում են տնօրենի իրավունքները, պարտավորությունները, պատասխանատվությունը և փոխհարաբերությունները լիազորված պետական մարմնի հետ, նրա աշխատանքի վարձատրության պայմանները, պայմանագրի դադարեցման օրենքով նախատեսված բոլոր հիմքերը և այլ դրույթներ, որոնք անհրաժեշտ կգտնեն պայմանավորվող կողմերը: Պայմանագրի դրույթները չեն կարող հակասել Հայաստանի Հանրապետության աշխատանքային օրենսդրության պահանջներին, բացառությամբ օրենքով նախատեսված դեպքերի:

21. Տնօրենը կրում է պատասխանատվություն օրենքների, այլ իրավական ակտերի, հիմնադիր կամ լիազորված պետական մարմնի որոշումների, սույն կանոնադրության և կնքված պայմանագրերի պայմանները չկատարելու կամ ոչ պատշաճ կատարելու համար:

22. Տնօրենը չի կարող զբաղեցնել այլ պաշտոն կամ կատարել վճարովի այլ աշխատանք, բացի գիտական, մանկավարժական և ստեղծագործական աշխատանքից:

23. Տնօրենը լրիվ գույքային պատասխանատվություն է կրում իր մեղքով տուն-ինտերնատին և (կամ) պետությանը պատճառած վնասի համար: Նրա լիազորությունների դադարեցումը հիմք չէ պատճառած վնասը հատուցելու պարտականությունը չկատարելու համար:

24. Տնօրենը՝

- ա) առանց լիազորագրի հանդես է գալիս տուն-ինտերնատի անունից, ներկայացնում է նրա շահերը և կնքում է պայմանագրեր,
- բ) Հայաստանի Հանրապետության օրենսդրությամբ, հիմնադրի և լիազորված պետական մարմնի որոշումներով և սույն կանոնադրությամբ սահմանված կարգով տնօրինում է տուն-ինտերնատի գույքը, այդ թվում ֆինանսական միջոցները,
- գ) տալիս է տուն-ինտերնատի անունից հանդես գալու լիազորագրեր, այդ թվում վերալիազորման իրավունքով լիազորագրեր,
- դ) աշխատանքի է նշանակում և աշխատանքից ազատում տուն-ինտերնատի աշխատակիցներին, նրանց նկատմամբ կիրառում է խրախուսման միջոցներ և նշանակում կարգապահական տույժեր,
- ե) բանկերում բացում է հաշվարկային հաշիվներ,
- զ) կատարում է աշխատանքի բաշխում իր տեղակալների միջև,
- է) լիազորված պետական մարմնի հաստատմանն է ներկայացնում տուն-ինտերնատի կառուցվածքը, աշխատողների թիվը, տուն-ինտերնատի կանոնադրությունը, ներքին կարգապահական և այլ կանոնները,
- ը) օրենքով և սույն կանոնադրությամբ սահմանված կարգով իր լիազորությունների սահմաններում արձակում է հրամաններ, տալիս կատարման համար պարտադիր ցուցումներ և վերահսկում դրանց կատարումը,
- թ) սահմանված կարգով լիազորված պետական մարմին է ներկայացնում տուն-ինտերնատի եկամուտների և ծախսերի տարեկան նախահաշիվը,
- ժ) հաստատում է ձեռնարկատիրական գործունեության եկամուտների և ծախսերի նախահաշիվը,
- ժա) իրականացնում է Հայաստանի Հանրապետության օրենսդրությանը չհակասող այլ լիազորություններ:

25. Տնօրենը պարտավոր է չկատարել հիմնադրի և լիազորված պետական մարմնի՝ Հայաստան Հանրապետության օրենսդրությանը հակասող որոշումները, կարգադրությունները, հրամանները, հրահանգները և դրանց չկատարման համար չի կարող ենթարկվել պատասխանատվության:

26. Տնօրենի բացակայության ժամանակ նրա հրամանով տնօրենի լիազորություններն իրականացնում է տնօրենի տեղակալը:

27. Տուն-ինտերնատի աշխատողների իրավունքները և պարտականությունները սահմանվում են Հայաստանի Հանրապետության օրենսդրությամբ, սույն կանոնադրությամբ, կոլեկտիվ պայմանագրով, տուն-ինտերնատի աշխատանքային ներքին կանոնակարգերով և այլ իրավական ակտերով:

V. Տուն-ինտերնատի սեփականությունը

28. Տուն-ինտերնատի սեփականությունը ձևավորվում է տուն-ինտերնատի հիմնադրման ժամանակ և հետագայում հիմնադրի կողմից սեփականության իրավունքով նրան հանձնվող, ինչպես նաև տուն-ինտերնատի գործունեության ընթացքում արտադրված ու ձեռք բերված գույքից:

Տուն-ինտերնատի գույքի ձևավորման աղբյուր կարող է հանդիսանալ նաև Հայաստանի Հանրապետության և օտարերկրյա պետությունների իրավաբանական և ֆիզիկական անձանց կատարած ներդրումները, այդ թվում բարեգործական, նպատակային հատկացումներն ու նվիրատվությունները, կտակած գույքը:

29. Տուն-ինտերնատը իրավունք ունի օրենքների, հիմնադրի կողմից լիազորված պետական մարմնի որոշումների և սույն կանոնադրությանը համապատասխան՝ իր հայեցողությամբ տիրապետել, տնօրինել և օգտագործել սեփականության իրավունքով իրեն պատկանող գույքն ու ֆինանսական միջոցները:

30. Տուն-ինտերնատին սեփականության իրավունքով պատկանող գույքի նկատմամբ հիմնադիրը չունի իրավունքներ, բացառությամբ տուն-ինտերնատի լուծարումից հետո մնացած գույքի:

31. Տուն-ինտերնատի սեփականության պահպանման հոգսը կրույմ է տուն-ինտերնատը:

32. Տուն-ինտերնատի սեփականության վրա կարող է բռնագանձում տարածվել միայն դատական կարգով:

VI. Տուն-ինտերնատին ամրացված գույքը

33. Հիմնադրի որոշմամբ տուն-ինտերնատին անժամկետ ու անհատույց օգտագործման իրավունքով ամրացվում է ցանկացած գույք:

34. Հիմնադիրն իրավունք ունի հետ վերցնել իր կողմից տուն-ինտերնատին ամրացված գույքը:

35. Տուն-ինտերնատը իրավունք չունի ամրացված գույքը կամ դրա նկատմամբ իր իրավունքներն օտարել, գրավ դնել, հանձնել անհատույց օգտագործման:

Տուն-ինտերնատը իրավունք ունի իրեն ամրացված գույքը պետության անունից հանձնել վաճակալության, եթե դա արգելված չէ հիմնադիր որոշմամբ: Ամրացված գույքի օգտագործման արդյունքում տուն-ինտերնատի ստացած եկամուտները տուն-ինտերնատի սեփականությունն են:

36. Հիմնադրի կողմից տուն-ինտերնատին ամրացված անշարժ գույքի կամ պետական պարտադիր գրանցման ենթակա գույքի նկատմամբ տուն-ինտերնատի օգտագործման իրավունքը ծագում է դրանց նկատմամբ տուն-ինտերնատի իրավունքի պետական գրանցման պահից:

VII. Տուն-ինտերնատի ձեռնարկատիրական գործունեությունը

37. Տուն-ինտերնատը իր հիմնական գործունեությանը զուգընթաց ձեռնարկատիրական գործունեությամբ կարող է զբաղվել միայն օրենքով կամ հիմնադրի որոշմամբ ուղղակիորեն նախատեսված դեպքերում և գործունեության տեսակներով: Լիցենզավորման ենթակա գործունեության տեսակներով տուն-ինտերնատը կարող է զբաղվել միայն լիցենզիայի հիման վրա:

38. Տուն-ինտերնատը գործունեության ընթացքում առաջացած շահույթն օգտագործում է սույն կանոնադրությամբ նախատեսված նպատակների իրականացման համար՝ հիմնադրի սահմանված կարգով:

39. Տուն-ինտերնատը իր կարիքների համար գնումները կատարում է «Գնումների մասին» Հայաստանի Հանրապետության օրենքով սահմանված կարգով: Հայաստանի Հանրապետության պետական բյուջեով տուն-ինտերնատի

համար ուղղակիորեն նախատեսված միջոցների սահմաններում տուն-ինտերնատի կողմից պետությանը մատուցվող ծառայությունների, աշխատանքների և ապրանքների գնումն իրականացվում է մեկ աղբյուրից գնումների կատարման ձևով: Տուն-ինտերնատի կողմից պետությանն այլ ծառայություններ, աշխատանքներ կարող մատուցվել կամ ապրանքներ իրացվել միայն «Գնումների մասին» Հայաստանի Հանրապետության օրենքով նախատեսված կարգով:

40. Տուն-ինտերնատը հարկերը, տուրքերը և պարտադիր այլ վճարումները վճարում է շահույթ ստանալու նպատակ չհետապնդող կազմակերպությունների համար նախատեսված կարգով ու չափով:

VIII. Վերահսկողությունը տուն-ինտերնատի գործունեության նկատմամբ

41. Տուն-ինտերնատի գործունեության նկատմամբ վերահսկողությունն իրականացնում են հիմնադիրը, լիազորված պետական մարմինը, ինչպես նաև օրենքով նախատեսված այլ պետական կառավարման մարմիններ:

42. Տուն-ինտերնատի ֆինանսական հաշվետվությունների արժանահավատությունը ենթակա է վերստուգման (աուդիտի)՝ լիազորված պետական մարմնի կողմից ընտրված անկախ աուդիտորական կազմակերպության կամ Հայաստանի Հանրապետության ֆինանսների և էկոնոմիկայի նախարարության ֆինանսական վերահսկողության ստորաբաժանման կողմից:

IX. Տուն-ինտերնատի վերակազմակերպումը և լուծարումը

43. Տուն-ինտերնատը կարող է վերակազմակերպվել հիմնադրի որոշմամբ, Հայաստանի Հանրապետության քաղաքացիական օրենսգրքով սահմանված կարգով:

Տուն-ինտերնատը դատական կարգով կարող է վերակազմակերպվել օրենքով սահմանված դեպքերում և կարգով:

44. Տուն-ինտերնատի լուծարմամբ նրա գործունեությունը դադարում է՝ առանց իրավունքները և պարտականությունները իրավահաջորդության կարգով այլ անձանց անցնելու:

45. Տուն-ինտերնատը կարող է լուծարվել հիմնադրի որոշմամբ, Հայաստանի Հանրապետության քաղաքացիական օրենսգրքով սահմանված կարգով: Այն կարող է լուծարվել նաև սնանկության հետևանքով:

46. Տուն-ինտերնատը դատական կարգով կարող է լուծարվել միայն օրենքով նախատեսված դեպքերում և կարգով:

47. Տուն-ինտերնատի լուծարման դեպքում նրա պարտատերերի պահանջների բավարարումից հետո գույքն ուղղվում է Հայաստանի Հանրապետության պետական բյուջե: